

Universitätsbibliothek Paderborn

Ōrigenus Tōn Eis Tas Theias Graphas Exēgētikōn Apanta Ta Ellēnisti Heuriskomena

Cui idem præfixit Origeniana, Tripartitum opus, quo Origenis narratur vita,
doctrina excutitur, scripta recensentur

Origenes

Rothomagi, 1668

XIII. Lucam,

urn:nbn:de:hbz:466:1-25059

ginti quinque Tomos illius in Matthæum, quinque in Lucam, trigesi duos in Iohannem, Arogante Blæfilla, Romanæ lingua tradere. Proinde Veteris Interpretationis in Matthæum auctor non est Hieronymus. Minime sane audiendi Iosias Simlerus, & Conradus Fritius, ita scribentes in Epitome Bibliothecæ Gesnerianæ: *Origenis in Matthæum Homiliae 36, ab Hieronymo translate, inter D. Hieronymi Opera habentur.* nam neque extant Homiliae 36 Origenis in Matthæum, sed 35 duntaxat; neque earum Interpres Hieronymus habendus est; imo Hieronymo recentior est, nam si 35 prodiisset ejus ætate, novam Blæfilla neutquam postulasset; nec ita scripsisset Hieronymus in Epistol. 65. ad Pamach. & Ocean. cap. 2. *Cen-tum quinquaginta anni prope sunt, ex quo Origenes mortuus est Tyri: quis Latinorum auctor est unquam transferre libros ejus De resurrectione, & de aëre, spuma, & rubeo?* Nemo igitur existimet ullam Tomorum interpretationem esse Hieronymo antiquorem. Nihilo magis Rufino videtur adscribenda, quod Erasmi pace hanc ipse attribuentis dictum velim: ille enim in Apologia Pamphili loca quædam è Commentariis in Matthæum adducta interpretans, non aliis solum utitur verbis, quam quæ Interpres iste Vetus adhibuit, verum etiam multa quæ in eo desiderantur repræsentant: cum tamen in eadem Apologia loca vertens ex aliis deponita Commentariis, quos ipse fuerat interpretatus, non aliis utatur verbis quam suis, sequi sui similem in eodem loco bis vertendo ostendat. Addit stylum ab Hieronymiano & Rufiniano penitus discrepare, & deterioris ac recentioris ætatis vitio & corruptela esse inquinatum. Gennadio quoque recentiorem esse ex eo concilio, quod in Catalogo illustrum virorum non obscure significat quæcumque Origenis Opera ab Hieronymo non converba suis temporibus exabant, ex à Rufino Latine redditâ fuisse. Ostendimus autem nec Hieronymo, nec Rufino adscribi posse hanc interpretationem, unde sequitur Gennadio quoque fuisse posteriorem. Cum ex hac autem interpretatione Thomas Aquinas in Aurea Catena loca multa *κατέστη* referat in versu Matthæi, posteriores versu 13. capituli 16, perspicuum est Thoma vetustiorem eam esse, talemque ejus ætate fuisse, qualis hodie circumfertur. Thoma itaque antiquior est, Gennadio recentior. Propius vero ad Gennadij ætatem accedere non levibus indicis deprehendimus. Tomo 17. in Matth. pag. 470. hæc habet Origenes: *ιδοι εἰναι οἱ οὐρανοὶ τοῦθος, οὐ οὐρανοί. Εἰ τὴν οὐρανὸν οὐτανότινον ηὔπειρον, οὐ τὸν οὐρανόν.* Veritatem Vetus Interpres: *Quales sunt Henrici qui confundant Patrem & Filium substantiam, unum dicentes esse Patrem & Filium, οὐτανότινον reddit substantiam, quod magnam Scriptoris antiquitatem sapit;* hac enim notione *οὐτανότινον* antiqui fere Patres usurpant. Hilarius in libro De Synodis contra Arianos tres agnoscit substantias in Trinitate, hoc est *υπάρχει, ιδούται, τελεόντως*, substantiam ab essentiâ distingues. Priscus quoque Novi Testamenti Interpres locum hunc Ebr. 1. 3. δε ἡ επινεγόμενη δύναμις, οὐ κατεγόμενη δύναμις reddit: *& figura substantiae eius:* nec id mutavit Hieronymus, quamvis *οὐτανότινον* ibi Personam videatur significare. Nihil tamen hic affirmo; scio enim à Patribus multis substantiam ipsam, seu naturam & essentiam Patris hic intelligi. Ad hæc Vetus ille Interpres Tract. 8. insignem locum profert ex Evangelio secundum Ebraeos. Atqui id de suo addidit; quippe quod in exemplaribus Gracis nūquā appareat. Ac proinde temporum illorum, quibus hoc supererat Evangelium, aequalis fuit.

Profecto Interpretis hujus ætatem investiganti alicui verisimile forsitan fiet Cassiodori E temporibus vixisse, ipsumque adeo esse Epiphanius Scholasticum Cassiodori familiarem & necessarium. Supra memoratae nota videntur conuenire, aliæque præterea. Græcæ lingue parum consultus fuit Epiphanius, oratio barbara, dissipata, & inculta. Summa Veteris illius Interpretis barbaries, vix medioeris idiomatici Graci peritia, plane nulla in evolendis obscurioribus sententiis perspicacitas; cuius sibi conscius difficillima quæque quasi consulto prætermisit. Certe tam abnormi licentia interpretationem hanc administravit, ut mirabile sit: totas paginas detrahit, totas addidit, nec uspiam exemplar affectatus est. Verum Historiam Tripartitam ab hoc Epiphanio scriptam si quis accurate cum vetera illa Origeniani in Matthæum Commentarij interpretatione conflixerit, summan stili discrepantiam, atque hanc multo illa inquinatiorem, & innumeris vocabulorum portentis deformiorem offendit. Aequalis Epiphanius fuit Bellator quidam Cassiodori inidem familiaris, cuius rogatu multas Græcorum scriptiones, nonnullas etiam Origenis Latino sermone rependit. Huic si quis Commentariorum in Matthæum interpretationem adscriptam velit, non valde repugnabo. Nec multum adversatur conjectura nostræ Cassiodori de hac interpretatione silentium, qui alias plerasque Epiphanius & Bellatoris in libro De institutione divinarum Scripturarum recensuit: nam post editum hunc à Cassiodoro libellum lucubrari ea potuit.

De septem Origenis in Matthæum Homiliis quæ habentur inter eas, quas In diversos vulgo appellant, quoniam incertisunt Auctoris, suo loco disputabimus.

XIII. Homilia Origenis in Evangelium Lucæ trigesi novem Latina editione conti-

A nentur. Interpretem sese professus est Hieronymus in Prologo ipsis prætexto, & in libro De scriptor. Eccles. cap. 146. Erasmus in Epistola ad Franciscum Cigalimum scriperat has alterius cuiusdam esse videri, quam Origenis, sed in Censura ad libros Origenis mutavit sententiam, & verum Auctorem agnovit. Nihilominus ita disserit: *In Catalogo tamen ita facit huius operis mentionem (Hieronymus) ut magis videatur ex Didymo vertisse. Quum enim Origenis mentionem reliquistet, post hanc in modum loquitur : De Spiritu sancto Didymi, quem in Latinum transtulit, librum unum, in Lucam Homilias triginta novem, in Psalmos a decimo usque ad decimum sextum tractatus septem, Capituli monachi vitam, &c. Quibus ex verbis nihil aliud intelligi potest, quam aut esse Hieronymi hoc opus, aut ab eo versum ex Didymo. Hoc utrum casu an studio factum sit, nescio. At observasset Erasmus pari argumento Homiliarum duarum in Canticum auctorem revocari posse in dubium, cum in codem Catalogi capite haec habeat Hieronymus: De tribus questionibus Legis Veteris , Homiliae in Cantica Canticorum duas, aduersus Helvidium. Nempe Auctoris nomen adscribere neglexit, quem aliunde fatis notum esse sciebat. Addit Erasmus: *Dein quum in ceteris nihil habeatur erroris, hic multa sunt vel suspecta vel damnata. Itane vero nihilne in libris & i ap. in Commentariis in Matthæum, in reliquis operibus habetur erroris? Mirate Lector effraneum Erasmii in Veterum expendendis scriptis, & projectam temeritatem. Modestior Merlinus, errores his Homiliis ab Origeniani nominis amulis aspernos asleverans: quamquam & id valde incertum. Pauculas quasdam particulias ex Origene in Lucam exhibet Julius Cæsar Bulengerus Part. 2. Diatrib. 3. p. 158. & 222. adverlus Casaubonum, ex Catenis fortasse aliquibus deponitas.**

C XIV. E duobus & triginta Commentariorum in Iohannem Tomis, novem omnino superlunt; primus, secundus, sextus, decimus, decimus tertius, decimus nonus, vigesimus, vigesimus octavus, & trigesimus secundus. In Bibliotheca Regia Codice hi Tomi suis notati numeris reperiuntur. Eosdem complectitur Tomos præter decimum, & vigesimum octavum memoratus liber in Bibliotheca Bayatica Catalogo. At Codex Bibliothecæ Venetæ sancti Marci, licet Regij consimilis sit, nec plura habeat, à callido tamen librario in Tomos triginta duos distributus fuit, hac arte lacunas & hiatus celare, & apud incautos dissimulare, & pro integro venditare volente. Eo fit, ut eumdem hunc esse putem, qui fuit Diegi Hurtadi, quique simili dolo disjectus fuisse memoratur. Hanc Tomorum partitionem, quam fecutus est Ferrarius, falsam esse arguent fragmenta, quæ è quarto D Tomo proferuntur in quarto Philocalia capite, & in quinto reperiuntur Tomo Ferrarianæ Interpretationis. Similiter è sexto Tomo particulam recitat Basilius libr. de Spiritu sancto, c. 29. Extat illa in sexto Tomo Codicis Regii, in octavo vero Ferrarianæ interpretationis. Codicum porro omnium ea est similitudo inter se & congruentia, ut ex uno exemplari descriptos esse omnes pro certo habeam. Prater superiora exigua è Tomo secundo in Iohannem particulam promitt Pamphilus in Apologetico, secundam criminacionem confutans. Capite quarto Philocalia fragmenta adducuntur è quarto Tomo; item capite sequenti alia fragmenta è Praefatione quinti Tomi in idem Evangelium; cuius Praefationis aliam quoque portionem in caput 25. libri sexti Historiæ Eusebii inferit. Ex Origene in Iohannis caput sextum lacinias quasdam exiles profert Bulengerus in Disputationibus contra Casaubonum Part. 2. Diatrib. 3. pag. 251, quas cum Codices manu scripti Commentariorum in id Evangelium non exhibant, ex Catenis prodisse veri absimile non est. Denique inter Homilias in diversos due habentur in Iohannem, quæ cum certum auctorem non habent, paulopost suo loco ventilabuntur.

Vnicum saperest in Apostolorum Acta fragmentum Origenis, è quarta detractum: Homilia, quod capiti Philocalia septimo Basilius & Gregorius Theologus infulerunt. In Catalogo librorum Illustrissimi Principis Domini Jacobi Marmoreza, quem inter Antiquitates Constantinopolitanas Supplemento Bibliotheca Gesneriana inseruit Antonius Verdetius, commemoratur Origenis Explicatio in Acta Apostolorum, & in Epistolas Pauli, de quibus nunc suo ordine agendum est.

F XV. Rufinus Heraclij impulsu viginti Tomos Commentariorum Origenis in Epistolam ad Romanos Latinæ linguæ donandos suscepit: sed qua fide? sua nempe, hoc est pessima: nam totum opus jam interpolatum, & aliquot voluminibus decurtatum ad medianam fere partem sese contraxisce prohetur in Praefatione ad Heraclium. Injuria Origeni illatam facilius deprehendes, si fragmenta quadam lucubrationis hujus inserta Philocalia cum Rufiniana conversione configas. Adversus hanc audaciam merito Erasmus excandescit, & falso affectam Hieronymo operis hujus interpretationem Rufino restituit. Cur Hieronymo tributa sit, Rufini astu & vafritate factum puto, qui ad declinandam facti invidiā (male quippe audiebat Origenis nomen) & in Hieronymum, à quo saepe Origenismi causa exagitatus fuerat, refundendam, nomen suum non apposuit, modestia factum simulans, quod malis artibus actum erat: *Verum ego, inquit, qui plus conscientie mea quam nomini*